



Synfocity = 983

mail us at : mzsinfo@gmail.com; mizoramsynod@gmail.com - Phone - 2314648

May 1, 2025

❑ **PBS Farewell & Dedication vawi 60-na**

April 25, 2025 (Zirtawpni) khan Presbyterian Bible School (PBS) chuan Batch 60-na pualin Farewell and Dedication Programme, Pi Zaii Hall, Synod Conference Centre, Mission Vengah an hmang. Programme hi Rev. Lalengzika, Principal-in a kaihrui a, Rev. C. Lalduhawma, PBS Zirtirtuin report a pe a, Rev. R.C. Lalngkhakliana, Synod Moderator-in zir chhuakte hnenah Certificate hlanin thuchah a sawi a, exam-a ti thate hnenah Upa Dr. Vanlalzara, Synod Statistician-in lawmman a hlan a, class kai kimte hnenah Upa Lalthianghlina, PBS Committee member-in lawmman a hlan a ni.

Rev. Dr. Rosiamliana Tochwawng, Executive Secretary i/c PBS-in tawngtaisakna hun a hmang a, Pu C. Awithanga Award chu Rev. Lallianmawia Pachuau, PBS Committee member-in a hlan bawk.

PBS-ah hian a din tirh atangin tun thleng hian zirlai 2844 an awm tawh a, chung zinga 2374 chuan tha takin an pass tawh a. Tuna batch 60-naah hian zirlai 28 awmin zirlai 23-in tha takin an pass a, exam lo pakhat a awm.

Exam-a ti tha zual pathumte hnenah lawmman ₹ 1000/-, ₹ 700/-, ₹ 500/- leh lawmpuina thuziak PBS Committee hminga hlan a ni a, chungte chu:-

1-na - Joseph Lalnuntluanga s/o F. Lalrawngbawli, BCM, Electric Veng Kohhran

2-na - Lalchhandama Fanai s/o Eddie Ramdinthara (L), Dam Veng Kohhran

3-na - Upa C. Lalchhuanliana s/o Kawlremsiana (L), Zemabawk North Kohhran te an ni.

Batch 60-na zirlai zingah hian class kai kim mi pali hnenah lawmman ₹ 500/- theuh hlan a ni.

Kum 2014 atangin Christian Theology subject leh Kohhran Inrelbawlina & PCI Danpui subject-a ti tha berte hnenah Pu C. Awithanga Award hlan thin a ni a. Batch 60-naah hian Kristian Theology subject-ah Joseph Lalnuntluanga leh Upa C. Lalchhuanliana ten an dawng a, Kohhran Inrelbawlina & PCI Danpui subject-ah Vanlalhmuaki leh Lalnunchami ten an dawng a ni. Award hian ₹ 2000/- a keng tel a ni.

❑ **Synod Mission Board vawi 186-na an thu**

April 30, 2025 (Nilaini) chawhma dar 10 khan Synod Ramthar Board meeting vawi 186-na chu J.M Lloyd Hall, Synod Office-ah an thu a, member 83 an kal.

Meeting hi Rev. R.C. Lalngkhakliana, Synod Moderator-in a kaihrui a, hming lamna neih a nih hnua Rev. R. Lalhmingsanga, Board Secretary-in report a pe. Report-ah hian Ramthar Board 185 leh 186 inkarah BEC vawi 2 thut a nih thu te, Bhutan rama thawktu intirh a nih thu te, Legal Awareness Seminar neih a nih thu te, SMB hnuaia thawktute awm hmun siam rem a nih thu te, contract missionary 50 lak a nih thu te, Upper Assam Mission Field hawn a nih thu te leh Karbi Anglong Mission Field Extension hawn a nih thu te tarlan a ni.

Tun tum meeting-ah hian thurel tura chhawpchuah 10 a awm a, chung zingah chuan SMB behchhana missionary tirh chungchang te, Masihi Sangati Convention, pandal-a thlen chungchang te, Doctor of Ministry zir dilna chungchang te leh Tentmaking Missionary-a thawh chhunzawm dilna chungchang te chu a langsar zual a ni.

❑ **MSSU Biennial Secretarial Training**

April 30 & May 1, 2025 chhung khan MSSU buatsaihin Bial Sunday School Secretary-te tan Biennial Secretarial Training vawi 19-na chu Aizawl Theological College, Durtlang-ah neih a ni.

April 30, 2025 zanah hawna inkhawm neih a ni a, Rev. Dr. K. Lallawmzuala, Executive Secretary i/c MSSU-in a kaihrui a, Rev. R. C. Lalngkhakliana, Synod Moderator-in hawna neih thuchah a sawi a. Moderator chuan, rawngbawlina hi Pathian khawngaihna a nih thu te, chumi tihlawhtling tura inpekna a pawimawh thu te a sawi a ni.

Training chhung hian thupui chi hrang hrang - Sunday School chanchin leh a pawimawhna, Christian Education & Child Evangelism, Sunday School Inrelbawl dan leh inkaihhraina, Secretary hna leh a mawhpurhna tih te leh Sunday School rawngbawlina atana thupui pawimawh hrang hrangte mi thiam ten an zirtir a, sawi hona te neih thin a ni.

MSSU Secretarial Training hi Bial Sunday School Secretary ruat thar kum apianga neih thin a ni a, Secretary hna leh an rawngbawlina atana thil pawimawh hrang hrangte inzirtirna hun atan hman thin a ni. Kum 1974 atanga kum thum dan zela neih thin chu kum 2018 Synod-in Bial Sunday School Secretary term kum hniha a bithliah tak avangin 2019 atangin kum hnih dan zelah neih thin a ni. Tun tum Secretarial Training-ah hian Bial Sunday School Secretary 177 an tel thei a, an zingah hian hmeichhia 1 a awm a ni.

May 1, 2025 (Ningani) zan hian kharna hun hman a ni ang a, kharna inkhawm hi Upa Vanlalsawma Siakeng, Synod Secretary-in a kaihruai ang a, Rev. Dr. K. Lallawmzuala, Executive Secretary i/c MSSU-in Fuihna thu sawiin training chhuakte hnenah Certificate a hlan ang.

❑ **Finance**

- ♦ May 2, 2025 (Zirtawpni) zan hian Tuikual Kohhrnah Account Training neihpui turin thawktute Upa Vanlalrawna Khiangte leh Upa David Lalnunfela te an kal ang.
- ♦ May 4, 2025 (Pathianni) hian Edenthar Vengchhak Kohhrnah Finance Campaign nei turin campaigner, Upa Lalrosanga Kawlni a kal ang.

❑ **Social Front**

May 3-4, 2025 chung hian N.E. Khawdungsei Bial KTP programme-in Social Media, Ruihhlo leh HIV/AIDS Awareness Campaign neih a ni dawn a, he hunah hian campaigner-te, Dr. Robert S. Halliday, Upa C. Chawngthantluanga, Rev. R.C. Lalchhuanthanga leh Pu Alan Lalmuanpuia te an kal ang.

❑ **MSSU**

May 3, 2025 (Inrinni) hian Vaivakawn Kohhrnah Sunday School zirtirtu training neihpui turin trainer, Upa K. Zoremsanga a kal ang.

❑ **Synod Mission Board**

♦ **Nepal Mission Field**

April 26, 2025 (Inrinni) khan belhtu thar pahnih a awm.

♦ **Jharkhand Mission Field**

April 27, 2025 (Pathianni) khan belhtu thar pasarih an awm a,, kohhran pawl dang atangin mi 12 kan kohhrnah an rawn inpe baw.

♦ **Calcutta Mission Field**

April 27, 2025 (Pathianni) khan belhtu thar 11 an awm a, ni 29 (Thawhlehi) khan belhtu thar 14 an awm baw.

♦ **Patna Mission Field**

April 27, 2025 (Pathianni) khan belhtu thar pakhat a awm.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Vairengte Hmarveng	Damlo	2	₹ 20,000/-
2.	Kualmawi	Damlo	2	₹ 10,000/-
3.	Farkawn	Khawsak harsa	1	₹ 10,000/-
4.	Ramhlun Vengthar	Damlo	1	₹ 10,000/-
5.	Lailak	Damlo	1	₹ 10,000/-
6.	Bawngkawn Hmarveng	Damlo	1	₹ 10,000/-
7.	Thenzawl Vengthar	Damlo	1	₹ 10,000/-
8.	Aiduzawl	Damlo	1	₹ 10,000/-
9.	Tumpanglui	Damlo	1	₹ 10,000/-
10.	Tuidam	Damlo	1	₹ 10,000/-
11.	Tuithaveng	Vanduaina taw	1	₹ 10,000/-
12.	Sialhawk	Damlo	1	₹ 10,000/-
13.	Darlung	Damlo	1	₹ 10,000/-
			Belh khawm	₹ 1,40,000/-

- ❑ **FM Zoawi - Aizawl & Lunglei : Hruaina Eng Radio Programme**
May 2, 2025 (Zirtawpni) @ 7:30 p.m. :
Solo : Melody Zothansangi - Baal hmaa thingthi ngai lo
Zaipawl : Dawrpui Vengthar Bial Zaipawl - Ni ropui takah chuan
Thusawi : Lalrinzuali leh a thiante - Isua kha thlan aţangin a tho leh ngei em?
Solo : Nancy Zothanmawii - Rorelna dik
Zaipawl : Hnahthial 'N' Bial Zaipawl - Lal ropui ber
- ❑ **Hruaina Eng TV Programme**
01.5.2025 (Ningani) 08:30 pm : Thupui zir bing
02.5.2025 (Zirtawpni) 05:00 pm : Kristian Naupang Pual
03.5.2025 (Inrinni) 05:30 pm : Puitling Sunday School Zirlai
04.5.2025 (Pathianni) 08:00 am : Weekly round up
05.5.2025 (Thawhtanni) 08:30 pm : Hruaina Eng luang chhuak - C. Thankhumi
06.5.2025 (Thawhlelni) 06:00 pm : Nilai zan thupui
08:30 pm : Kohhran Chanchin
- ❑ **Moderator leh Executive Secretary-te Programme:**
Rev. R.C. Lalnghakliana : Moderator
May 1-3, 2025 Biate Bial
May 4, 2025 Missionary Tirhchhuah inkhawm
May 5, 2025 Education BEC
May 6, 2025 Hospital Board
May 7, 2025 Pastoral Committee
May 8, 2025 Social Front Committee
May 9, 2025 PRESCOM Board
May 10-11, 2025 Mamit Bial leh Hmunsam Bial
Rev. V.L. Luaia Hranleh : Senior Executive Secretary
May 1, 2025 Central India Presbytery hawn tur zir chiangtu Committee
May 3-4, 2025 Mualpheng - Pastor induction
May 7, 2025 Pastoral Committee
Rev. Dr. K. Lallawmzuala : Executive Secretary
May 1, 2025 MSSU Secretarial Training
May 3-4, 2025 Pangbalkawn - Pastor Induction
May 6, 2025 Hospital Board
May 7, 2025 Pastoral Committee
May 8, 2025 Social Front Committee
May 9, 2025 PRESCOM Board
Rev. Dr. Rosiamliana Tochhawng : Executive Secretary
May 4, 2025 Kawl Pastor Induction - Zuangtui Kohhran (Chawhma)
Missionary Tirhchhuah inkhawm (Chawhnu)
May 5, 2025 Education BEC
May 7, 2025 Pastoral Committee
May 8, 2025 PES Principals' meet
May 9-12, 2025 Zochachhuah leh Tuikawi - Home Mission South

SYNOD REVIVAL HRIATTIRNA

May 5 - June 5, 2025 chhung hian Ruihhlo ngaite pual Camping, Revival Camping Centre, Neihbawiah buatsaih a ni dawn a. Speaker tur hi Tv. Lalngaihzualla, Krista Kraws Thlangtu Team a ni ang. A duh leh mamawh apiang tan luh theih a ni. Camp lut turte chuan Registration fee ₹ 100/- ken tur a ni a. Mahni mutbu, Pen, Note bu, Bible leh Hla bu ken tur a ni. May 5, 2025 (Thawhtanni) chhun dar 12 aţangin registration tih ţan tur a ni.

PRESBYTERIAN HMEICHHE HOSTEL HRIATTIRNA

Presbyterian Hmeichhe Hostel, Kulikawnah Pawl XI zirlai tan seat sawmpanga (15) a awl a, AMC Area pawn ami te tan a dil theih e. Dil duh tan Hostel Warden biak tur a ni e.

Interview hun : Ni 16.5.2025 (Zirtawpni) 7:00 am

A hmun : Synod Committee Room-I, Synod Office

Contact : 8837303332 / 8259933613

Dilna form hi Kohhran Hmeichhe Department, Synod Office-ah leh Warden, Presbyterian Hmeichhe Hostel, Kulikawnah lak theih a ni.

MIZORAM CHRISTIAN COLLEGE ADMISSION CHUNGCHANG

1. Kum 2025 atan admission chungchang:

Kum 2025-2026 Academic Session thar atan April 23, 2025 atangin admission tih theih a ni dawn a, admission dil hmasa apiang duhsak an ni ang. MCC-a zir tumte chuan College website www.mizoramchristiancollege.edu.in-ah ngaihven theih a ni a. Tin, hriat chian duh nei tan Lalrinzuala (Ph: 9612568456) hnenah zawh fiah theih a ni baw. Pawl 12 pass tawh tan admission hi a tih theih reng a, result nghak mek tan pawh Provisional admission tih theih a ni.

2. MCC-a Subject lak theih leh Fees:

B.A. zir duh tan English, Mizo, Political Science, Public Administration, Sociology subject a awm a, Bachelor of Commerce (B.Com) leh Bachelor of Business Administration (BBA) te a zir theih baw. Thla tin Tuition Fee hi - BA zirlai tan ` 2,000/, B.Com leh BBA zirlai tan ` 3,000/- a ni.

3. Tuition Fee awl theih dan:

Class-12 result-a 80% marks hmu chinte chu 1st Semester an zir chhungin Tuition Fee awl an ni ang a, Class-12 result-a 75-79.9% marks hmute chu 1st Semester an zir chhungin 50% Tuition Fee awl an ni baw ang. Hei bakah hian MCC zirlaite chu Semester Exam-a SGPA 9 leh a chung lam mark hmute chu Tuition Fee pum pui awl an ni ang a; tin, SGPA 8 - 8.9 hmu chinte pawh Tuition Fee a chanve awl an ni ang. Kohhran emaw, Kohhran Hmeichhia, KTP, Kohhran Pavalai Pawl, Pawl leh mi mal ang pawhin MCC zirlaite hi an Tuition Fee Semester khat chhung zel pek saka sponsor theih an ni.

4. University Results:

Mizoram University Under Graduate Exam Result chhuak hnunung ber Even Semester 2024-ah khan MCC chuan result tha tak kan nei a. University Top 10 rank holders hi mi pathum kan nei. Chungte chu - Public Administration Department-ah pakhatna (Gold Medallist), English Department-ah pathumna leh Sociology Department-ah pangana te kan hauh a ni.

Sd/-

Upa Dr. Tawnenga

Principal

Mizoram Christian College



www.mizoramsynod.org

Synod Information & Publicity
Phone - 2314648

YouTube channel: Synod Information

Synfo